



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

45 Alleganti, onus probandi incumbit.

**urn:nbn:de:hbz:466:1-10316**

ut plurimum, scripturæ antiquæ fuerint  
deperditæ, seu quandoque fraudulenter  
celatæ, cui incumbat onus probandi. &  
hoc casu recurrendum est ad probationes  
summarie sumendas in visitatione, vel ex  
tra, ex officio, vel ad Procuratoris mensæ  
Episcopalis instantiam, etiam parte non  
vocata, & constituto. quod titularis, vel eius  
prædecessor celebraverit, seu celebrare fecerit  
Missam unam, vel plures singula hebdomada  
per aliquot annos, super illa consuetudine  
celebrandi, seu celebrari faciendi tot Missas,  
debet Episcopus ecclesiam manutenere in possessione,  
in qua existit, immò etiam, si aliquo tempore  
Missæ non fuerint celebratæ, semper est restituenda,  
quia Ecclesia minori æquiparatur, c. 1. de  
integ. rest. & Jaf. in l. legatum, n. 18, ff.  
de leg. 1. datur ¶ etiam Ecclesiæ restitutio  
adversus præscriptionem quadragenariam,  
ut post alios tradit Covarr. qui de  
communi opinione testatur in 3. par. re-  
lect. s. tertius, n. 4. & beneficia non do-  
tantur sine onere, ut communis experien-  
tia docet, & cum à communiter acciden-  
tibus præsumantur beneficia dotata cum  
onere Missarum in salutem animarum  
fundatorum, qualibet levis probatio  
transfert onus probandi in negantem ser-  
vitutem debitam, quia alleganti præde-  
cessorem ¶ non ex obligatione, sed ex de-  
votione celebrasse, & celebrari fecesse, o-  
nus probandi incumbit, ex traditis per  
Castad. super Reg. Cancell. decis. 3. num. 2.  
Quartò, ¶ dubitatur: dato, quod fru-  
ctus beneficii sint adeo tenues, quod sup-  
portatis oneribus in Missis celebrandis,  
& paramentis manutenendis non super-  
sint aliqui fructus pro Rectoris sustenta-  
tione, an Missæ sint reducendæ: cum enim,  
rector sit titularis, videtur, quod partem

fructuum ad sui sustentationem percipere  
debeat, qui enim servit altari, de altari vi-  
vere debet, c. cum secundum, de præben. &  
ibi Ab. n. 2. quod est verum, sed qui fru-  
ctus percipere præterdit, & beneficio ser-  
vitutem impositam reducere, potius de-  
trahere, quàm servire beneficio videtur,  
dispositio ¶ enim ad certum usum maxi-  
mè pius facta pro lege est servanda, au. h.  
de nupt. s. disponat, col. 4. c. ultima voluntas,  
& ibi gloss. 13. q. 2. c. tua nobis, & ibi gl. in  
ver. volunt. de test. prædicta regula, quod  
Episcopus legatum ad unum usum factum  
in alium mutare non possit, fallit in pluri-  
bus.

Primò, enim ¶ fallit dicta regula, si te-  
stator legavit pecuniam ad certum usum  
pium non ita necessarium, puta ad pingen-  
dam ecclesiam, quæ minatur ruinam, cui  
aliter provideri non potest, quia tunc Epi-  
scopus poterit pecuniam ad picturam fa-  
ciendam non ita necessariò destinatam, in  
alium pius usum magis eidem ecclesiæ,  
populo, ac religioni necessarium commu-  
tare. l. fin. ff. de oper. pub. & Covar. eod.  
num. 7. in fin.

Secundò, ¶ fallit in legato calicis, vel  
alterius vasis, aut panni facto ecclesiæ non  
indigenti speciei legatæ, sed alterius rei ca-  
rentis, ut planetæ, albæ, pixidis, vel alterius  
paramenti, de quo aliter provideri non  
possit; quia tunc poterit Episcopus pecu-  
niam in emendo calice, vel alio vase ad ec-  
clesiam, quæ eo non indiget, destinato, ad  
alia eidem ecclesiæ necessaria emenda  
applicare, ex conjecturata mente testato-  
ris, qui legando, si de ecclesiæ necessita-  
te certioratus fuisset, verisimiliter ita di-  
sposuisse, arg. tex. in l. generaliter, s. fi  
C. de instit. & l. cum avus. ff. de condit. &  
demonstr.